

文德天皇實錄

天

僧
775
166



曾
773
/66

日本文德天皇實錄序

臣基經等竊惟自古人君王者莫不用天度而叙
憲章立日官而平曆數故姬漢之千餘載善惡呈
理於掌中齊梁之百所年昏明折微於眼下者也
伏惟太上天皇孝治有日文思垂風夢想先皇之
起居庶幾聖主之言動去貞觀十三年詔右大臣
從二位行左近衛大將臣藤原朝臣基經中納言
從三位行民部卿兼春宮坊大夫臣南淵朝臣年
名參議正四位下左大辨臣大江朝臣音人外從
五位下行大外記善淵朝臣愛成正六位上行小

大正二年一月廿日
中村楯雄氏贈

大正二年一月廿日
中村楯雄氏贈

內記都宿祢言道散位正六位上嶋田朝臣良臣
等數人執舊史氏始就撰修三四年來編錄踈略
適屬揖讓刀筆暫休今上陛下武子文孫重熙累
洽追尋前業逾勸勒修數月以降大納言正三位
臣年名參議從三位左衛門督臣音人天不憇遺
奄然下世至元慶二年更勅攝政右大臣臣基經
俾命參議刑部卿正四位下兼行勸解由長官近
江守臣菅原朝臣是善等與前修史者文章博士
從五位下兼行大內記越前權介都朝臣良香從
五位下大外記嶋田朝臣良臣等專精實錄潭思

必書良香愁斯文之晚成忘彼命之早殞注記隨
手已去忽焉臣等百倍筋力參合精誠銘肌不遑
鞅掌從夏起自嘉祥三年三月己亥訖于天安二
年八月乙卯都廬九年勅成十卷春秋繫事鱗次
不愆動靜由哀毛舉死失唯細微常語麁小庶機
今之所撰弃而略焉名曰日本文德天皇實錄取
諸雖百世可知也臣等生謝龍門種非虎乳殊
恐謬缺文於聖訓忝直筆於明時謹詣天闕奉進
以聞謹序

元慶二年十二月十三日

右大臣正二位藤原朝臣基經

此序 管贈大相國代基經公為之
御文章第七有之云奉家君教所製也見林云



日本文德天皇實錄卷第一 起嘉祥三年三月盡六月

右大臣正二位臣藤原朝臣基經等奉勅撰

文德天皇諱道康 仁明天皇長子也母藤原氏

贈大政大臣正一位冬嗣之女也年十六承和九

年八月乙丑立為皇太子嘉祥三年三月己亥

仁明皇帝崩於清涼殿于時 皇太子下殿御宣

陽殿東庭倚廬左右大臣孿諸卿及少納言左右

近衛少將等獻 天子神金宝劔符節鈴印等須

史駕輦車移御東宮雅院陣列之儀一同行幸

但無警蹕○庚子定緣葬諸司中納言從三位源

朝臣弘權中納言橘朝臣峯繼參議從四位下伴
宿祢善男散位從四位上源朝臣生彈正大弼從
四位下清原真人長田左中辨清原真人岑成左
近衛少將從五位上良岑朝臣宗負大藏大輔藤
原朝臣負本大外記外從五位下朝原宿祢良道
等六位以下四人爲裝束司中納言從三位源朝
臣定大藏卿平朝臣高棟參議從四位上藤原朝
臣助散位從四位下正躬王右京大夫從四位上
源朝臣寬從四位下木工頭興世朝臣書主散位
從五位下文室朝臣笠科勅解由次官山代宿祢

氏益等六位已下四人爲山作司後追以中納言
從三位安倍朝臣安仁散位從五位下藤原朝臣
正岑山口朝臣春方等重補山作司前丹波守從
四位下滋野朝臣負雄宮内少輔從五位下橘朝
臣伴雄等六位已下三人爲養役夫司山城守從
四位下茂世王右京亮從五位上橘朝臣枝主等
六位一人爲治路司中納言從三位源朝臣弘爲
前次第司長官治部少輔從五位下藤原朝臣松
影爲次官以六位已下各二人爲判官主典參議
宮内卿從四位上滋野朝臣負主爲後次第司長

官從五位下攝朝臣永範爲次官判官主典同前
是日遣散位從五位上高階真人清上從五位下
藤原朝臣緒數等學諸衛監護左右兵庫命京畿
七道舉哀成禮限以三日喪服之期以日易月式
部省學百寮於紫宸殿前舉哀公卿及侍臣以下
於東宮奉哀○辛丑東宮成服公卿百寮從之○
癸卯葬仁明皇帝于深草山陵送終之禮皆從
儉約是奉遺詔也○甲辰遣從四位下行民部大
輔基兄王外從五位下豐階公安人等存問供御
葬之諸大夫先是諸衛著甲以備非常今日晚却

各從常儀○乙巳晏駕之後初盈七日仍遣使於
近隣七箇寺以修功德右近衛少將兼土佐守從
五位下小野朝臣千株及內豎十人爲紀伊守使
正四位下太舍人頭兼越前權守高枝王侍從從
五位上嶋江王刑部大輔正五位下藤原朝臣行
道內舍人一人內豎十人爲室皇寺使從四位上
加賀守正行王中務大輔從五位上並山王散位
從五位下藤原朝臣正岑駿河守丹墀真人真岑
爲來定寺使從四位下大學頭時宗王從五位下
正親王善永王治部少輔藤原朝臣閑雄爲拜志

寺使從三位大藏卿平朝臣高棟散位從四位下
世宗王從五位下永直王內舍人一人內豎十人
爲深草寺使散位從四位下基棟王從五位下安
原王大原真人宗吉橘朝臣王夏等內舍人一人
內豎十人爲真木尾寺使散位從四位下道野王
從五位下高原王大判事藤原朝臣本雄加賀介
良岑朝臣清風內舍人一人內豎十人爲檜尾寺
使是日嵯峨山陵暴風雷雨樹木倒仆遣中納言
從三位安倍朝臣安仁ヤスヒト就加察視公卿奏言施事
天下猶稱令旨在於視聽有所疑請稟天旨改令

代 勅未之許焉○丙午左近衛少將從五位上
良岑朝臣宗貞出家爲僧宗貞先皇之寵臣也
先皇崩後哀慕無已自歸佛理以求報恩時人慙
焉○夏四月己酉公卿上啓曰竊以万物不能自
化資大近以陶鈞億兆不能自治賴元首之司牧
一時曠位則九服所以迴遑一日無政則万機由
其擁塞是以姬王續統載冕宅憂之初漢帝乘乾
正位徂落之夕通行不滯爲万代之舟車觀望相
依百王之戶牖者也 聖帝明齊日月道括
乾坤崇德叶於笙牖體政存於俎豆七十二帝彼

復何人三五六經本慙声教遂攬乃昔以來禮典
舊章察其利病之端參於方今之代遣制云 皇
太子可於柩前即 皇帝位一依周漢故事伏惟
殿下深仁植性純孝因心寢門問豎竭愛敬之
誠馳道申虔盡温恭之禮臣子之道克宣天人之
望允集宜肅奉 聖旨屬茲時來居南面之尊高
應北辰之大室而偏纏罔極之至哀不忍割情以
就禮涉旬踰月以至今日臣等願之深所未達况
乎 先帝已有遺勅孝善述父志何得拘匹夫之
情孝缺万乘之典章謹案春秋列入君即位有四

初喪即位一也 即位二也踰年即位三也三年
諒闇終即位四也 殿下已在初喪而忌制宜追
既葬而示儀上承七廟之靈下定万民之望臣等
自負舊恩於丘山思致新主於堯舜不任惶疑之
至謹奉啓以觀進 今曰雖有遺詔既踰旬月况
亦陵土未乾不忍即正不聽從五位下源朝臣懼
從五位下攝朝臣信蔭等爲侍從從五位下御春
朝臣真濱爲近江權介從五位下清原真人秋雄
爲祖馬介左兵衛佐如故從五位下紀朝臣範弟
爲因幡權介右兵衛佐如故從五位下攝朝臣常

蔭爲讚岐權介正五位下攝朝臣真直爲阿波守
從五位下坂上大宿禰自守爲左近衛少將從五
位下小野朝臣千株爲右近衛少將從五位下源
朝臣興爲左兵衛權佐從五位上藤原朝臣良仁
爲右兵衛權佐大宰輔三品葛井親王薨親王
桓武天皇第十二子也母大納言贈正二位坂上
大宿禰田村麻呂之女從四位下春子也親王幻
而機警年六歲勅賜帶劔弘仁十年賜爵四品
拜兵部天長三年爲上野太守承和七年爲常陸
太守八年進爵三品親王頗善射藝有外家大納

言之遺風等 嵯峨天皇御豐樂院以觀射禮畢
後勅諸親王及群臣各以次射親王時年十二
天皇戲語親王曰弟雖少弱當執弓矢親王應詔
而起再發再中時外祖父田村麻呂亦侍坐驚動
嘉躍不能自已即使起座抱親王而舞進曰臣嘗
將數十萬之衆征討東夷實賴天威所向無敵自
祈勇畧兵術多所不究今親王年在齡齒武伎如
此愚臣非所能及 天皇大咲曰將兵褒揚外孫
何其甚過多親王耽愛聲樂殊翫絲管晚年好酒志
在讌樂累日連夜淵醉忘疲嘉祥三年爲大宰輔

薨時年五十一朝廷因修舊典遣監喪使等親王
有子北餘人是日公卿僉議定先皇七七日御
齋會司中納言從三位源朝臣弘參議宮内卿從
四位上滋野朝臣負主參議右大辨從四位上藤
原朝臣良相從四位下參議式部大輔伴宿祢善
男散位從四位上源朝臣生從四位下木工頭興
世朝臣書主右少辨從五位上橋朝臣海雄散位
從五位下藤原朝臣菅雄等六位已下三人爲御
齋會行事圖書頭五位下橋朝臣高成左衛門佐
從五位下池朝臣道藏等六位一人爲造佛司左

京大夫從四位上正行王雅樂頭從五位下藤原
朝臣負敏侍從從五位下橋朝臣信蔭等六位已
下四人爲莊嚴堂司彈正大弼從四位下清原真
人長田治部大輔從五位上坂上大宿祢正野散
位從五位上丹墀真人門成等六位已下三人爲
供僧司○庚戌公卿重上啓曰臣等先已上啓具
陳勸進之誠而殿下至孝爲性不忍割情久曠
万機經引數月雖云礼制亦有權時請擇吉辰早
正其位以順地人之望以因万國之基令曰卿等
上啓驟輸中誠事緣遺詔義歸權套今不獲已俯

依來啓○辛亥爲除凶服先遣大中臣氏入於五畿內七道諸國以修大祓○壬子遣使於七箇寺二七日御齋會每寺公卿大夫並內舍人內豎等一兩人○癸丑地震帝出除百官吉服大祓於朱雀門前有魚帛鳥飛鳴於東宮樹間何以書之記異也○乙卯大當雨諸衛警陣賜陣頭侍從及衛士以上祿各有差○戊午帝自雅院移御中殿勅賜中納言朝臣定帶劔先皇賜之今依舊賜之○己未遣使於七ヶ佛寺修三七日御齋會如前日儀○辛酉遣左近衛將曹栗田真持於深

當雷誤字

草陵列栽樹木間以一丈相襲成行○壬戌地震飛驒國講師傳灯滿位僧德嚴上奏諸國國分二安居修行爲國誓念而此國舊來不修此法論之佛理可謂闕如請准諸國每年薰修許之○癸亥遣權中納言橘朝臣岑繼告深草山陵以即位之由其策文曰掛畏カケラモカシキ天皇朝スメラミコト廷ミカド余ニ恐ゾレ見ミ恐ゾレ見ミ申モラシ賜タマフ久キ遣ツケ倍ハ留ル詔ミコトノリ乃ハ隨ヒ余ニ天アメ日ヒ嗣ト爾ニ仕ツク奉ル倍ハ狀カタテ乎カ公ノミ卿等屢勸請レ天而日月モ近ニ久キ心ココロ神カミ毛モ哀アハレ迷マユ尔ニ依ヨリ互タ不堪ク流ル狀カタテ再ヒ比ヒ三ミ比ヒ懼オソ利トシ毛モ御命ミコノミ旨ノ止ト言コト互タ固カタ勸コト強ク波ナミ礼レ已マ志コト波ナミ從ユ止ト不得ズ故ユ是以大御坐處オホミマスノトコロ乎カ

拂潔侍且天之日嗣乎戴荷知守供奉倍事乎恐
見恐見申賜久矣又申久掛畏支天皇朝廷乃
於賜年原慈蒙戴之天之日嗣乃政者平久天地
日月止共余守仕奉倍之思合事乎恐見恐見申
賜久矣甲子帝即位於大極殿其日景且快
雨百官以兩日儀從事至日中時天晴策命曰明
神止大八洲國所知天皇詔旨良万宜勅親王
諸王諸臣百官人等天下公民衆聞食止宜掛畏
支平安宮尔御宇之倭根子天皇拔皇此天日
嗣高座之業乎掛畏近江大津乃宮尔御宇之

天皇乃初賜比定賜倍法随余仕奉止仰賜比大
命乎受賜利恐美受賜利懼利進母不知尔退母
不知尔恐美坐久宣天皇勅衆聞食止宜烈
皇止坐天天下治賜君波賢人乃良佐乎得天
下乎平久安久治物尔在止奈聞行源故是以
大命坐宣久朕雖拙幼親王等初天王等臣等乃
相共奈奉利相扶奉事依之此乃仰賜比授賜
倍食國乃天下之政波平久安久仕奉奈之止所
念行是以正直之人天皇朝廷乎衆助仕奉
止宣天皇勅衆聞食止宣辞別宣久凡人子乃

蒙福久欲為留事波於夜乃多米此奈母聞行須
故是以朕親母藤原氏皇大夫人尔上奉利治
奉流又仕奉人等中尔其仕奉狀随尔冠位上賜
比治賜布又太神宮乎始天諸社乃称宜祝等尔
給位一階又僧綱乎始天諸寺智行有聞流並天
下僧尼乃年八十已上尔施物不_太万又左右京五
畿内乃饒寡孤獨不能自存者及天下給待留人
等尔給御物布力田之筆乃超眾者尔賜爵一階
又諸國言上承和九年以往租稅未納者先帝
御坐之時尔免給倍勅_止今天皇我御意_止為

天去年以往未納毛復盡免給_波久勅天皇御
命乎眾聞食_止宣授從二位源朝臣常正二位正
三位源朝臣信從二位從三位源朝臣定安倍朝
臣安仁等正三位從四位上滋野朝臣貞主藤原
朝臣助藤原朝臣長良小野朝臣篁藤原朝臣良
相等正四位下從四位下伴宿称善男從四位上
无位雄風王利基王等從四位下從四位上坂上
大宿称淨野正四位下從四位下清原真人瀧雄
從四位上正五位上伴宿称成益正五位下春澄
宿称善繩等從四位下從五位上藤原朝臣良仁

正五位上從五位上藤原朝臣高房從五位下菅
原朝臣是善等正五位下從五位下鎌倉王藤原
朝臣春園文室真人助雄良岑朝臣長松藤原朝
臣關主橋朝臣清蔭佐伯宿祢屋代外從五位下
豐階公安人等從五位上外從五位下都宿祢負
繼三統宿祢真淨正六位上在原朝臣善淵大原
真人真室小野朝臣負樹橋朝臣休蔭齊部宿祢
伴主安倍朝臣有道從六位上藤原朝臣諸藤等
從五位下正六位上廣宗宿祢平麻呂掾井朝臣
祢嶋長家原宿祢氏主等外從五位上○乙丑遣

使解諸關警是日宣詔内外云易月之制雖執舊
章臣子之道須存心喪宜仰有司暮年之內禁宴
飲作樂及著美服先是深陵率堵婆所藏陀羅尼
自發落地遣參議伴宿祢善男就加安置○丙寅
遣使於七箇佛寺修四七日御齋會如前日儀回
近江國關使從四位下右中辨藤原朝臣氏宗歸
奏奉契○戊辰固伊勢國關使右衛門權佐從五
位下藤原朝臣春園固美濃國關使散位從五位
下藤原朝臣菅雄等歸奏奉契○己巳六衛解嚴
皇太夫人移御東五條院警蹕成儀一擬乘輿詔

遣左右近衛將監番長各一人近衛各九人左右
兵衛尉志番長各一人兵衛各十九人分陣院下
以備宿衛詔佐渡國放還配流罪人金判福貴滿
○庚午前春宮職印一枝獻于内裏○辛未太政
官重宣今月十七日 詔旨頒下京畿諸國云今
案 詔旨去年已往言上租稅未納悉可免除宜
命官長分明搜檢見在民身即從免除又雖別錄
申官所司文簿載未納之由者亦同言上之例若
後日遣使巡檢國郡司并預事人等微取訖隱爲
未進及稱不言之色欺責愚民者必處重科並一

榜示路頭普令知見但地子未納不在免限自餘
事修准天長十年例○壬申正五位上藤原朝臣
良仁爲中宮亮右兵衛權佐如故○癸酉遣使於
七箇佛寺修五七日御齋會亦如前日儀宣詔山
野之禁本爲鷄雉至於草木非有前制如聞所由
不熟事意矯峻法禁奪人斧斤挿人牛馬絕其往
還之跡如其樵蕪之業爲人之患莫此之甚宜早
知下莫令更然又聞豪貴之家非有官符妄占山
野多妨民利如斯之類並早禁斷其江河池沼之
類同亦准此莫致人愁榜示路頭普令知見○甲

戊從五位下三統宿祢真淨サチキヨ爲中宮大進○丙子授正六位下橋朝臣茂房シゲフサ從五位下正六位上佐々貴山公仲繼ナカツグ外從五位下詔以上野國聖隆寺爲延曆寺別院是月天寒○五月己卯大風折木雉草紀異也遣侍從從五位下嶋江王左少辨從五位下文室朝臣助雄スケヲ中務少丞正六位上百濟王忠岑內舍人正六位上八多朝臣漆シ從八位上清瀧朝臣岑成ツギ等向伊勢太神宮迎齋內親王木ツ拔於建禮門前○庚辰修六七日御齋會從五位上坂上大宿祢正野左京亮從五位下飯高朝臣

永雄等爲東大寺使散位從五位下百濟王教福源朝臣類ル等爲元興寺使刑部少輔從五位下藤原朝臣關雄セキヲ散位源朝臣同等爲興福寺使散位從五位下丹墀真人ニ繩主文室朝臣鑿田麻呂等爲大安寺使前越後守從五位下丹墀真人氏永散位大宅朝臣年雄等爲西大寺使散位五位下高階真人信澄シノ在原朝臣善淵ヨシフチ等爲法隆寺使散位從五位上百濟王慶世ヨシキヨ從五位下橋朝臣三夏ナツ等爲藥師寺使○辛巳嵯峨太皇太后崩○壬午葬太皇太后于深谷山遺令薄葬不營山陵先是

民間訛言云今茲三日不可造饊以無母子也識者聞而惡之至于三月宮車晏駕是月亦有太后山陵之事其無母子遂如訛言此間田野有草俗名母子草二月始生莖葉白脆每屬三月三日婦女採之蒸擣以爲饊傳爲歲事今年此草非不繁生民之訛言天假其口太皇太后姓橘氏諱嘉智子父清友少而沉原涉獵書記身六尺二寸眉目如畫顰止甚都室龜八年高麗國遣使修聘清友年在弱冠以良家子姿儀魁偉接對遣客高麗大使獻可太夫史都蒙見之而器之問通事舍人山

於野上云彼一少年爲何人乎野上對是京洛一白面耳都蒙明於相法語野上云此人毛骨非常子孫大貴野上云請問命之長短都蒙云三十二年有厄過此無恙其後清友娶田口氏女生后延曆五年爲內舍人八年病終於家時年卅二驗之果如都蒙之言后爲人寬和風容絕異手過於膝髮委於地觀者皆驚嗟峨太上天皇初爲親王納后寵遇日隆天皇登祚弘仁之始拜爲夫人先是數日后夢出自針孔立左市中六年秋七月七日后亦夢著佛瓔珞居五六日立爲皇后十四年天

皇禪位於淳和皇帝尊。天皇爲太上天皇，太后爲皇太后，仁明天皇受禪尊皇太后爲太皇太后，追贈后父大政大臣正一位母正一位，后自明泡幻篤信佛理，建一仁祠名檀林寺，遣比丘尼持律者入住寺家，仁明天皇助其功德，施捨五百戶封以充供養，后亦與第右大臣氏公朝臣議開學舍，名學宦院，勸諸子弟誦習經書，朝夕閣々時入以比漢鄧皇后，初法華寺有苦行尼名曰禪雲，見后未筭就犯其臂，云君後當爲天子及皇后之母，后竊記之，遂生仁明天皇及淳和太皇太后，后追想

表名誤

尼言訪其所在，尼時既亡，及仁明天皇不豫甚篤，后襄威毀容，遂剃髮爲尼，求冥救也。天皇崩後，相尋而后亦崩，時年六十五，后正位之後，專務化導宮園之內，陰教邕穆，朝野稱之，嗟賦天皇特加敬重，意愛甚密，故老相傳，伊豫國神野郡昔有高僧名灼然，稱爲聖人，有弟子名上仙，住止山頂，精進練行，過於灼然，諸鬼神等皆隨願，指上仙掌縱容語所親，檀越云我本在人間，有同天子之尊，多受快樂，今時作是一念我當來生得作天子，我今出家常治禪病，雖遣餘習氣分猶殘，我如爲天子。

必以郡名爲名字其年上仙命終先是郡下橘里有孤獨姥号橘姬傾盡家產供養上仙上仙化去之後姬得審問泣涕橫流云吾與和尚久爲檀越願在來生俱會一處得相親近俄而姬亦命終其後未幾天皇誕生有乳母姓神野先朝之制每皇太子生以乳母姓爲之名焉故以神野爲天皇諱後以郡名同天皇諱改名新居后時夫人号橘夫人所謂天皇之前身上仙是也橘姬之後身夫人是也后嘗多造宝幡及繡文袈裟窮盡妙巧左右不知其意後遣沙門慧萼泛海入唐以繡文

袈裟奉施定聖者僧伽和上康僧等以宝幡及鏡奩之具施入五臺山寺○丙戌莊嚴清涼殿安置金光明經地藏經各一部及新造地藏菩薩像一軀屈請百僧修先皇七七日御齋會解坐之後使於大極殿限三ケ日轉讀大般若經以祈甘雨也應時雨降是日有制爲諸名神令度七十人各爲名神發願誓念其得度者皆以神字被於名首○丁亥終日陰雲入夜雨降○戊子加雨水潦奔溢時人以爲諸僧苦請之誠感動龍王也○庚寅諸僧五十口分配東宮中宮限三ケ日轉讀大般若

經○壬辰追贈流人橘朝臣逸勢正五位下詔下
遠江國歸葬本鄉逸勢者右中辨從四位下入居
之子也爲性放誕不拘細節尤妙隸書宮門榜題
手迹見在延曆之季隨聘唐使入唐之中父人呼
爲橘秀才歸來之日歷事數官以年老羸病靜居
不仕承和九年連深伴健岑謀反事掠拷不服減
死配流伊豆國初逸勢之赴配所也有一女悲泣
赤從官兵監送者叱之令去女晝止夜行遂得相
從逸勢行到遠江國板築驛終于逆旅女繫号盡
哀便葬馱下庐下喪前守屍不去乃落髮爲尼自

名妙冲爲父誓念曉夜苦至行旅過者爲之流涕
及詔歸葬女尼負屍還京時人異之稱爲孝女○
甲午四品時康親王爲中務卿二品仲野親王爲
式部卿三品賀陽親王爲彈正尹四品入康親王
爲上總太守四品本康親王爲上野太守一品萬
原親王爲大宰輔正六位上藤原朝臣興世石川
朝臣豐河布勢朝臣真吉伴宿祢須賀雄並授從
五位下從五位下中臣朝臣逸志爲神祇大副從
五位下藤原朝臣諸藤爲侍從從五位下春日臣
雄繼爲大學博士從五位上高階真人清上爲彈

正少弼從五位上丹墀真人門成爲大和守從五位下丹墀真人貞岑爲駿河守正四位下坂上宿祢淨野爲相模守右兵衛督如故從四位下伴宿祢成益爲丹波權守從五位上橘朝臣貞根爲安藝守從四位上源朝臣冷爲讚岐守從四位下清原真人長田爲大宰大貳從四位下藤原朝臣氏宗爲右近衛中將右大辨如故○丙申從五位下藤原朝臣菅雄爲民部少輔詔以武藏國奈良神列爲官社先是彼國奏請檢古記慶雲二年此神放光如火熾然其後陸奧夷盧反亂國發控絃赴

救陸奧軍士載此神靈奉以擊之所向無前老弱在行免於死傷和銅四年神社之中忽有湧泉自然奔出溉田六百餘町民有疫癘禱而癒人命所繫不可不崇從之○戊戌石見國言耳露降○癸卯雨雹大如鴨卵○六月戊申能登國氣多大神授從二位○己酉雷震西寺刹柱剝取其竿中央一許丈去落於右馬頭藤朝臣春津宅詔以武藏國廣瀨神常陸國鴨大神御子神主玉神並列於宮社安房國造正八位上伴直千福麻呂授外從五位下○庚戌伊豆國阿米都知氣命伊太豆

和氣命阿豆佐和氣命佐岐多麻比咩命伊賀國
佐々神津神等並授從五位下壹岐寫角上神列
於官社○丁巳美作國獻靈龜雪白可愛○乙丑
從五位下藤原朝臣關雄爲諸陵頭從四位下藤
原朝臣諸成爲右京大夫從五位上藤原朝臣大
津爲備前守外從五位下山田宿祢文雄爲備前
介○丙寅有流星頭尾轉行○丁卯遣散位從五
位下利見王神祇少副正六位上中臣朝臣稔守
等參伊勢太神宮告以即位之由百官齊戒廢務
三日○甲戌出羽國奏言境接夷落動爲風塵至
有嫌疑必資台驗請省史生一員置陰陽師一員
許之

日本文德天王實錄卷第一

右第一卷自天保八丁酉年春

今上皇帝二月二十七日起筆三月十四日謹

書寫之

中村萬喜直衛

日本文德天皇實錄卷第二起嘉祥三年七月盡十一月

右大臣正二位臣藤原朝臣基經等奉勅撰

秋七月丙子朔授參河國砥並神從五位下從五

位下橋朝臣永範為刑部少輔○丁丑賑給左右

京貧窮者○庚辰延屈百僧於大極殿轉讀大般

若經為穀祈也備前國獻白龜○甲申皇女晏子

內親王為伊勢齋慧子內親王為賀茂齋大被於

建禮門前以命兩齋內親王從四位下藤原朝臣

右子元位東子女王藤原朝臣年子藤原朝臣多

賀幾子藤原朝臣是子等為女御伊豫國力田物

部連道吉鴨部首福主等叙位一階道吉等領盡
私產賑贖窮民故有此意○乙酉讚岐國人太膳
少進從七位上佐伯直正雄賜姓佐伯宿祢左
京職石見國獻甘露味如飴糖○丙戌進山城國
火雷神階授從五位上遠江國任事鹿苑兩神並
授從五位下大和國丹生川上雨師神階授正四
位下龍田天御柱命神國御柱命神若宇加乃賣
命神並加從五位上策命曰 天皇我詔旨仁坐
天御柱國御柱神等乃廣前爾申賜倍申久國家
乎鎮護賜爾依天御位奉授乃後年月久成利因

茲神祇少副正六位上大中臣久世主乎差使天
御位上奉利稱奉留古毛今毛風雨隨時比五穀
豐登如天下平安爾 天皇朝廷乎堅磐爾常磐
介護賜比助賜倍申賜止彼久申○壬辰追崇外祖
父正一位藤原朝臣冬嗣為太政大臣外祖母尚
侍從三位藤原朝臣美都子贈正一位策命曰天
皇我勅命爾坐宣天尊祖比敦親留事波食國乃
恒典奈利故是以追互太政大臣乃官贈賜比崇
賜布勅命乎散位從五位下藤原朝臣雄龍乎差
使互申賜止久宣詔曰貴德重親前王之令圖悼往

飾終有國之通典朕外祖父左大臣正一位藤原朝臣風標秀上器宇凝深德爲時宗位居朝棟至忠報國世異名新遣愛在人身徂德感外祖母尚侍從三位藤原氏自家刑國以孝學忠嬪規親緝於宋顯母則賢於大被春花早落翫流芳而有餘石火不留繼殘焰而仍照朕寓形苔壤沉思弱湖至哀之餘壞夫親懿况國憲有恒崇班攸歸宜加冠章式充拱木外祖父可贈大政大臣外祖母可贈正一位布告遐迩稱朕意焉○巳亥大雨大極殿前龍尾道十二丈爲水潦所決壞○辛丑從三

位藤原朝臣貞子授正三位充位望子女王從四位下從四位下廣井女王從四位上從四位上當麻真人浦虫正四位下從五位下菅原朝臣關子安倍朝臣鳳子其南備真人伊勢子安倍朝臣殿子石川朝臣普子等並從五位上外從五位下綾公姑繼宗形朝臣豐子元位藤原朝臣宜子笠朝臣西子等並從五位下外位從五位下神門臣富繼外正五位下制以施藥院司未立秩限准造瓦使四年爲限○壬寅策命曰 天皇 我 詔旨 止 法師等 尔 白 止 依 倍 勅 大命 乎 白 大法師田明 乎 權律

師ル任賜事乎白止倍ト勅ス大命乎白○甲辰授筑
前國織幡神從五位下○八月戊申詔以遠江國
角避比古神列官社先是彼國奏言此神叢社職
臨太湖々水所溉舉土賴利湖有一口閉塞無常
湖口塞則民被水害湖口開則民致豐穰或開或
塞神實爲之請加崇典爲民祈利從之○庚戌遣
使五畿七道班幣諸神告以即位之由大祓於建
礼門前以遣使也參議正四位下滋野朝臣自主
爲相模守宮内卿如故從四位下興世朝臣書主
爲治部大輔從四位下橘朝臣永範爲民部少輔

從五位下小野朝臣貞樹爲刑部少輔從五位下
藤原朝臣菅雄爲木工頭從五位上藤原朝臣春
因爲左衛門權佐從五位下藤原朝臣興世爲右
衛門權佐從五位上坂上宿禰正野爲右馬頭○
已酉右兵衛督正四位下坂上大宿禰清野卒清
野大納言正二位田村麻呂第四子也少擢家風
武藝絕倫嗟峨太上皇在東宮時年十八爲春宮
少進是時天皇御武德殿持簡天下騎射拔群之
士北人覽其才品爰清野以春宮少進獨參其選
又命步射士佐味香飾麻呂飯高常比麻呂清野

等三人競射清野爲三人之先鳴也天皇甚奇愛
之弘仁十年正月叙從五位下爲陸奧鎮守將軍
年纔七十一一年爲陸奧介十三年爲右近衛少
將十四年十一月叙從五位上天長元年左貶爲
薩摩守俄而遷爲土佐權守入京之後十年三月
叙正五位下爲陸奧出羽按察使夷民和親開塞
無事承和三年罷官歸都卽爲右馬頭數年遷爲
右兵衛督兼爲因幡守十二年正月叙從四位上
兼爲相摸守嘉祥三年四月叙正四位下齡稍遲
晚老病相迫有意避官未言氣絕時年六十二○

癸丑遣散位正五位下楠野王神祇少副正六位
上中臣稗守等向伊勢大神宮告以景子內親王
爲齊○丙辰公卿抗表曰臣聞道粹含元驛三靈
而委貺德敷齊聖馳六齒而薦祉故遊蓮卿使表
昌化於堯壇戲藻波巨擘禎期於軒浦伏惟皇
帝陛下則哲承基窮神闡化德比天地明齊日月
荼蓼追思之痛中霄獨深草萊攀慕之情日興彌
切伏見義作國介從五位下藤原朝臣負道等奏
備所管英多郡大領外從八位上賊田祖麻呂於
郡下川倉卿英多河石上獲白龜一枚又備前國

守從四位下藤原朝臣諸成等奏備所管磐梨郡
少領外從八位上石生別公長負於郡下石生卿
雄神河獲白龜一枚又石見國守從五位下笠朝
臣岑雄等奏備所管安農郡川合郡并露降臣等
謹案礼合文素云外内之制各得其宜則山澤出
靈龜瑞應圖云王者和氣茂則并露降於草木食
之令入壽方今聖人啓祚禎符惟新合至治於太
清之治同至德於帝堯之德不任抃躍之至謹詣
闕庭陳賀以聞帝謙而不當○丁巳遣右中辨從
四位下藤原朝臣氏宗向賀茂社中宮亮正五位

上藤原朝臣良仁ヨシヒト向松尾社並告以即位之由○
甲子群臣奏瑞相起無已 勅曰祥符所感在感
德而應稱顯慶斯臻豈菲虛之可信朕自在大裘
事聽冢宰德未動近化何覃幽而今日龜并露之
祥主令卿等表賀朕之慈恩自知不堪夫無災而
患著白前蹟恃瑞而凶非無狂鑿況上德不德感
德之祥無聞大聖施聖應聖之瑞自廢誠能道德
成曹仁義爲巢若二儀之不言若四時之潛運則
万人仁壽誰湏千歲之靈龜百物咸盈豈慮曠時
之甘液漢光晉武足爲吾師陳賀之言非攸欲聽

○丙寅公卿重上表以求賀瑞帝以苦請難拒許之○戊辰遣散位從五位下高原王向豐前筑前兩國以寶劍明鏡名香絲帛等奉八幡宮及香推廣○巳巳天南有聲如雷○辛未地震從西北來雞雉皆驚○九月乙亥朔日在蝕之○壬午遣宮主正六位下白部雄負神琴師正六位上管生朝臣未繼典待正五位下藤原朝臣泉子御至無位復本連淨子等向攝津國八十嶋是日右京大夫至岑成於攝津國嶋上郡河上獲白龜獻之○甲申詔以伊勢國多度大神列於宮社同國天照太

神祿宜從八位下神主繼長豐受太神宮祿宜從八位上神主土主等授外從五位下乙酉遣少納言從五位上鎌藏王內藏頭從五位下中臣朝臣壹志等向伊勢國依例奉幣別獻納馬五疋以充神御戊子遣參議左兵衛督正四位下藤原朝臣助向賀茂太神社策命曰天皇我詔旨止カケテモカシコキ掛畏大神乃廣前カケテモカシコキ爾申賜倍止申久先先爾禱申賜倍御馬並神財カシコカラ乎フ九月爾潔備天奉出賜波可可秘函贊之符德有相罩雲露豫彰昇平之瑞朕上遵遺制下酌郡言辭不獲免遂踐皇極然猶集蓼

之痛彌切擠經之慮未申譬涉大川同知攸濟即
知天上甘露之淵未必為朕而灑水中神蔡之智
豈能賴朕而浮故斷尚書之章不聽群臣之賀而
今攝津畿服之地亦獲神龜而獻之食謂不世之
鴻符難得而廢矣朕重違教請再三念之若是百
神七廟之顧復万民三槐九棘之緝熙庶績之所
致者乎有司其擇吉日告於崇社夫封壇馬齒獻
瑞不垣天既攸降理須優異宜特令攝津國嶋上
郡莫翰今年之調羨作國英多郡石見國安曇郡
備前國磐梨郡並免當年之庸獲龜之人岑成等

叙從六位上賜物准例天下祝部各先其祖又五
畿內七道諸國承和六年以往調庸未進咸從免
除濤以膏潤由茲惠液之祥布以至和協彼長生
之瑞是日內供奉大法師圓仁奏置天台總持院
十四禪師簡凍行者以充之永不絕○壬辰授播
磨國足速手速神從五位下○乙未遣神祇少副
正七位上大中臣朝臣久世主向攝津國住吉大
神社奉宍幣賽宿禱之○丁酉進參議左衛門督
正四位下藤原朝臣長良階從三位先是七日大
水山崎橋斷帝以為河橋易壞依水浸嚙得其

便地自無所害是日詔遣中納言安倍朝臣安仁
源朝臣弘參議滋野朝臣貞主伴宿祢善男等就
山崎以察利害求其便地乃定置橋○庚子遣待
從從五位上嶋江王向伊勢太神宮神祇大副從
五位下中臣朝臣逸志向賀茂大神社神祇權少
祐正六位上白部業基向尾張大神社告以賀瑞
之由大被於建禮門前以遣使也又下知五畿七
道諸國班幣名神同告賀瑞之由是日伊勢齊內
親王禊於鴨河勅遣從四位下右中辨藤原朝臣
氏宗從脩禊事○冬十月乙巳朔從五位下文室

朝臣笠科爲勳解由次官正五位下菅原朝臣是
善爲加賀權守文章博士如故○丁未賜忠良親
王帶劔○巳酉遣中納言正三位源朝臣定左京
大夫從四位上正行王向山科山陵散位從五位
下春原朝臣末繼內舍人從六位下安倍朝臣弘
行向前田原山陵右京大夫從四位下藤原朝臣
諸成向後田原山陵參議正四位下滋野朝臣貞
主掃部頭從五位下滋野朝臣善蔭向柏原山陵
中納言從三位源朝臣弘彈正大弼從四位上藤
原朝臣衛向楊梅山陵中納言正三位安倍朝臣

安仁從四位下宮内大輔房世王向嵯峨山陵從
三位大藏卿平朝臣高棟散位從四位下藤原朝
臣輔嗣向大原山陵參議從四位上伴宿祢善男
侍從從五位下藤原朝臣諸葛向深草山陵告以
賀瑞之由策文曰 天皇恐見恐見掛畏山陵
尔申賜倍止申久維嘉祥三年八月十七日尔公卿
等奏久世良攝津國美作國倫前國並獻白龜利石
見國獻并露礼良進止奏利如此支希世留大瑞
波是薄德乃可令感致支物尔非須掛畏支山陵
乃慈賜比示賜留倍物止奈利為天奈貴喜比受賜利

畏留狀乎進出恐見恐見申賜止波久申○辛亥進
山城國稻荷神階授從四位上授攝津國廣田神
從五位下進大和國大和國魂神階授從二位
石上神及大神大物主神葛木一言主神等並正
三位夜岐布山口神從五位下河内國恩智大御
食津彥命神恩智大御食津姬命神等並正三位
丹比神從五位上伊勢國阿耶賀神從五位上尾
張國熱田神正三位越前國氣比神正二位筑前
國宗像神從五位上竈門神從五位上筑後國高
良王垂命神從四位上肥後國健甞龍命神正三

位伊豆國三嶋神從五位上○壬子伊豆國右奈
比咩命神阿波神物忌奈乃神並授五位上近江
國伊富岐神從五位下紀伊國伊太神曾神從五
位下○癸丑以伊勢國多度神列於官社○戊午
從四位上藤原朝臣衛為勅解由長官從五位下
藤原朝臣雄瀧為攝津守○庚申出羽國上言地
大震裂山谷易處壓死者衆○己未信濃國御方
富命神建御名方富命前八坂力賣命神並加從
五位上○甲子遣左馬助從五位下紀朝臣負守
向紀伊國日前國懸大神社策命曰 天皇 我 詔

旨 止 掛畏大神等乃廣前 尔 申給 倍 申久 先 先 尔
神財奉進 此 祈申賜 此 故 是以種種乃神財奉潔
備 天 令捧持 天 奉出 須 此 狀 乎 聞食 天 天皇朝
廷 乎 常磐堅磐 尔 護 奉 賜 比 天下平安 尔 於賜
比 助賜 止 倍 怨 見 恐 見 申給 止 破 久 申 同日遣同 負守
於聖伊太祁曾神社曰 天皇 我 詔 旨 尔 申給 久
御冠授奉 止 手 祈申賜 尔 比 之 依 天 從五位下 乃 御冠
尔 上 奉 利 崇 奉 留 狀 乎 御位記 令 持 天 奉出 須 此
狀 乎 聞食 天 天皇朝廷 乎 常磐堅磐 尔 護 奉 倍
止 申給 止 申 亦遣右大臣兼右近衛中將從四位

下藤原朝臣氏宗向園神禰神等社策命曰天
皇我詔旨尔申給久御冠奉授无禱申賜此之依
天從五位下乃御冠尔奉授利崇奉留狀乎御位
記令持天奉出須此狀聞食天天皇朝廷乎常
磐堅磐尔護率奉賜止倍申給止申○乙丑紀伊國
伊達神志摩神靜太神並加從四位下丁卯屈
七十僧於東宮轉讀大般若經別請七僧於清涼
殿修法印呪並限三日為國祈也詔以壹嶋嶋天
手長男天手長比呼兩神列於官社○十一月甲
戌朔詔以伊豆國伊古奈比女安房物忌奈三神

列於官社○己卯從四位下治部太輔興世朝臣
書生スレ卒書生ミカド右京人也本姓吉田連其先出自百
濟祖正五位上圖書頭兼內藥正相模介吉田連
宜文內藥正正五位下右麻呂並為待鑿累代供
奉宜等兼長儒道門徒有錄書主為人恭謹容止
可觀昔者 嵯峨太上天皇在藩之時殊憐其進
退延曆九年為尾張少目大同四年四月為縫
殿少允弘仁元年正月遷為內匠少允四年五月
遷為左兵衛權大尉七年二月轉為左衛門大尉
兼行檢非違使事有頃遷為右近衛將監書主雖

長襦門身稍輕捷起躍高岸浮渡深水猶同武藝之士能彈和琴仍為太歌所別當常供奉節會新罪人沙良真熊善彈新羅琴書主相隨傳習遂得秘道弘仁八年六月叙外從五位下拜織部正九年正月為和泉守治声頗聞十二年正月叙從五位下十四年正月叙從五位上為備前守是時和泉罷任未歸京師使道之任政化清平天長四年還為左京亮五年二月拜筑後守因身病因確辭不行八年二月更為左京亮承和四年上請改姓為興世朝臣七年正月為信濃守九年正月叙五

位下十二年拜木工頭十四年正月叙從四位下嘉祥三年八月遷為治部大輔以年老身衰聊披山林之地常發觀念之業卒時年七十三○辛卯帝以諒闇故不親祭事所司齊潔程奉舊章○壬辰右大臣於侍從局錄親王已下五位已上見在坐者奏之○癸巳依大臣所奏簿錄准新嘗會宴賜祿在差○乙未進越前國金山彦神階加從四位下○丙申詔曰紫極高映運亭毒而不言黃屋尊播惠愛而無恃故勛華繼燭未隔於勤勞禹履乘風獨同於含育朕忝奉先訓虔撫令圖食茶

參以銷神騰蒸庶以判思而今至誠不暢小信未
孚陰德憊和柔祇告謹出羽州壞偏應銅龍之機
邊府黎毗空被梟禽之害邑居震蕩蹈厚載而不
安城柵傾頽想難虞而益恐咸須子視或至於死
傷獨作毋臨何懈於極救宜馳星使就展思光其
被災尤甚不能自存使國商量蠲免租調並不問
民牧開倉廩減振其生業莫使重困崩墻毀屋之
下所有殘屍露骸官爲收埋務申優恤庶俾委凍
者知挾纊之溫阻飢者得廩宰之飽從四位上清
原真人龍雄爲治部大輔授正六位上安埽宿祢

良棟外從五位下○戊戌惟仁親王爲皇太子策
命曰 天皇 我詔旨勅命 手親王諸王諸臣百官
人等天下 乃公民衆聞食 止宣隨法 尔可有岐政
止志 惟仁親王 乎立而皇太子 止定賜布 故此之
狀 乎悟 且百官人等仕奉 止禮詔 天皇勅旨 乎衆
聞食宣大納言從二位源朝臣信爲東宮傳參議
正四位下藤原朝臣良相爲春宮大夫從五位下
大枝朝臣音人爲東宮學士從五位下藤原朝臣
冬緒爲春宮亮○壬寅參議正四位下藤原朝臣
良相爲左大辨春宮大夫左近衛中將陸奧出羽

按察使如故從四位下藤原朝臣氏宗爲右大辨
右近衛中將如故正五位下藤原朝臣貞守爲右
中辨備前守如故從五位下橋朝臣時枝爲内匠
頭從五位下南淵朝臣年名爲式部少輔從五位
下藤原朝臣恒雄爲伊勢介橋朝臣數岑爲尾張
守○壬卯遣中納言正三位安倍朝臣安仁宮内
大輔從四位下房世王等向嵯峨山陵參議左兵
衛督正四位下藤原朝臣助正四位下大舍人頭
高枝王等向深草山陵策文曰 天皇我恐見恐
義掛畏 御陵 爾申賜倍 申久 食國乃法 止定賜
毛

比行賜留法隨 爾可有 政 止之 惟仁親王乎立
天 皇太子 止定賜布 此狀 乎恐 義 恐 義 申賜 止久 申
○十二月庚戌詔以上野國甲波宿禰神列於官
社○辛亥補僧綱策命曰 天皇 我 詔旨 止法師
等 爾 白 此 閑 宣 勅命 乎 白 律師道雄 乎 權少僧都
爾 權律師圓明 乎 律師 爾 任賜事 白 止 左 閑 宣 勅命
乎 白 ○丁巳雷何以書之記異也 ○戊午屈僧從
礼佛懺悔 ○癸酉進河内國和余神階加從五位
上堤津嶋女神從五位下

日本文德天皇實錄卷第二

天保八面酉年癸四月朔日書寫之

中村萬喜直衛

日本文德天皇實錄卷第三起仁壽元年正月盡

右大臣正二位臣藤原朝臣基經等奉勅撰

仁壽元年春正月甲戌朔帝不受歲賀以諒闇

未終也○甲申正六位上長統王藤原朝臣真數

紀朝臣永直坂上大宿祢常岑橘朝臣數雄丹墀

真人高主伴宿祢三宗等並授從五位下正六位

上高丘宿祢百與高狩忌寸清負春良宿祢藥麻

呂等授外從五位下參議正四位下小野朝臣篁

為近江守參議正四位下藤原朝臣助為信濃守

右兵衛督如故參議從四位上伴宿祢善男為美

作守中宮大夫式部大輔如故從五位下藤原朝
臣松影為山城守從五位下藤原朝臣正世為河
內守外從五位下上平野朝臣綱主為和泉守從
五位下善友朝臣穎主為攝津權介外從五位下
高丘宿祢百與為尾張介從五位下橋朝臣數雄
為遠江守正五位下楠野王為駿河守從五位下
小野朝臣負村為甲斐守正五位下橋朝臣真直
為相模權守從五位下橋朝臣末茂為下總守長
統王為上野介正四位下南淵朝臣永河為下野
守從五位下坂上大宿祢常岑為出羽守丹墀真

人高主為若狹守良岑朝臣清風為加賀介從五
位上紀朝臣椿守為越中權守從五位下三原朝
臣朝主為能登守從五位上豐階公安人為丹後
權守從四位下滋野朝臣負雄為但馬權守從五
位下藤原朝臣秋常為因幡守藤原朝臣忠岑為
伯耆守外從五位下春良宿祢藥麻呂為出雲介
從四位上源朝臣勒為阿波守從五位下高階真
人岑緒為伊豫守從五位下物部首廣泉為權掾
內藥正侍醫如故從五位下小野朝臣干株為土
佐權守右近衛少將如故從五位下藤原朝臣真

數爲筑前守山口朝臣春方爲筑後守外從五位
下內藏朝臣雄繼爲豐前介從五位下伴宿祢三
宗爲鎮守將軍○乙酉地震○庚子詔天下諸神
不論有位無位叙正六位上○癸卯加越前國足
羽神從四位下是夜有流星大如斗餘久之乃滅
○二月乙巳地震○辛亥從五位上藤原朝臣閑
雄爲治部少輔義志真王爲諸陵頭從五位下丹
墀真人氏永爲刑部少輔橘朝臣茂房爲掃部頭
善永王爲正親王從四位上源朝臣生爲左京大
夫從五位下藤原朝臣興世爲陸奥守○乙卯別

制大原野祭儀一准梅宮祭○丙辰定先皇御
忌齊會行事司左京大夫從四位上源朝臣生雅
系頭從五位下藤原朝臣貞敏侍從橘朝臣信蔭
藤原朝臣諸勝等六位以下七人爲莊嚴堂舍司
右京大夫從四位下藤原朝臣諸成散位從五位
下山田宿祢古嗣藤原朝臣有負丹墀真人繩主
藤原朝臣長基大炊頭外從五位下蕃良朝臣豐
持六位以下五人爲辨備僧供司散位從五位下
興岑主利見王伴宿祢龍男藤原朝臣備雄等六
位二人爲檢校講讀二師房司散位從五位下春

枝王承負王治部少輔藤原朝臣開雄散位田口
朝臣統範等六位以下四人爲檢校集會衆僧房
司是日移清涼殿爲嘉祥寺堂此殿者 先皇之
讌寢也今上不思御之故捨爲佛堂○甲子從五
位下藤原朝臣興世爲常陸權介陸奧守如故坂
上大宿禰負守爲美濃權介左近衛少將如故伴
宿禰三宗爲下野權介鎮守將軍如故正四位下
高枝王爲越前權守大舍人頭如故從五位下藤
原朝臣緒數爲介三原朝臣永道爲伯耆守○丙
寅无品常康親王落髮爲僧親王者 先皇第七

子也母紀氏少而沉敏風情可察 先皇諸子之
中特所鍾愛親王追慕 先皇悲鞭無已遂皈佛
理求冥救也○丁卯正三位藤原朝臣負子出家
爲尼負子者 先皇之女御風姿魁彊言必典禮
宮掖之內仰其德行 先皇重之竈救殊絕雖有
內受必加外敬 先皇崩後哀慕追戀不肯飲食
形容毀削卧頭之下每且有涕泣處左右見之不
堪悲感遂爲 先皇誓入大乘道戒行薰倫無有
遺類道俗稱之○三月癸酉朔日有有蝕之○甲
戌加筑後國高良山玉垂神正四位下○戊刀諸社

二僧於東宮轉讀大般若經○辛巳讀般若訖親
賚加常更有恩勅施度者各一人○壬午右大臣
藤原朝臣良房於東都身延屈知行名僧奉為
先皇講法華經往年先皇有聞大臣家園樹櫻
甚美戲許大臣以明年之春有翫其花俄而仙駕
化去不遂遊賞屬春來花祭大臣恨曰先皇所
期之春今日是也春來依期仙去不飯花是人非
不可堪悲道俗會者莫不為之流涕公卿大夫或
賦詩述懷或和哥歎逝○丁亥地震○壬辰修
先皇御忌齋會於嘉祥寺百官盡會○癸巳月有

蝕之既○巳亥有冰鳥似鷺而小不得其名集殿
前梅樹何以書之記異也○夏四月癸卯朔從四
位下道野王房世王正躬王貞内王雄風王高毅
王伴宿祢成益正五位上藤原朝臣良仁藤原朝
臣高房從五位上平朝臣春香藤原朝臣並藤豐
階公安人從五位下小野朝臣干株百濟王永仁
文室真人有真善友朝臣豐宗高橋朝臣安雄坂
上大宿祢負守藤原朝臣冬緒橘朝臣常蔭橘朝
臣茂房藤原朝臣三藤清原朝臣清海南淵朝臣
年名等並為次侍從正四位下高枝王從四位下

茂世王基兄王正躬王從四位上豐江王正四位
下橘朝臣氷名從四位上藤原朝臣衛源朝臣生
源朝臣安源朝臣勤源朝臣冷清原真人淹雄從
四位下藤原朝臣春津藤原朝臣岳守清原真人
岑成藤原朝臣諸成春澄宿祢善繩正五位下藤
原朝臣貞守藤原朝臣行道從五位上久賀朝臣
三夏等爲出居侍從○丙午地震○庚戌 帝始
御南殿賜親王已下侍從已上祿有差從五位上
良岑朝臣長松從五位下物部首廣泉大枝朝臣
音人春日臣雄繼等並爲次侍從○癸丑定愆紀

主基等國伊勢國爲愆紀播磨國爲主基並卜之
所食也○戊午授賀茂別雷神祢宜賀茂縣主益
雄外從五位下○辛酉遣使者向賀茂大神社奉
祭但齊內親王未盈齋限故不得侍祭○甲子定
大嘗會行事司○丁卯 帝喚散位從四位下春
澄宿祢善繩於北殿講文選丹後權守從五位上
豐階公安人爲都講○庚午改元仁壽詔曰體九
居正陽秋格言去故成新易象之玄訓是以 皇
流異汎 帝室分輝莫不改正朔以乘風變徽章
以演化者也朕以不敏嗣奉鴻基諒陰之禮已終

瘡臣之痛獨切但逾年以後日月推移不寧舊章
恐招新議去年即位之初頻得白龜及甘露之瑞
雖朕之不德推而不居而聽於公卿告之宗廟方
今純陽布德万物成文宜顧震應於往時變年紀
於今日孫氏瑞志圖云甘露降於草木食之令人
壽其改嘉祥四年為仁壽元年○辛未晦地震○
五月癸酉雷雨○乙亥加雨○己卯雨水○庚辰
遣使者向丹生川上雨師社奉幣馬以祈霽賑給
左右京不能自存者○壬午地震出雲國司奏言
女子私部繼成女節操尤著請加旌顯詔賜爵二

級後終其身○乙未地震有死蛇有南殿前頭有
傷處似有物啣之何以書之記異也○六月壬寅
朔帝御南殿賜待臣飲祿各有差○甲辰遣使
者向伊勢賀茂松尾乙訓等神社以祈霽策文曰
天皇我詔旨止掛畏支太神乃廣前尔申久近
來雨降止涉旬天百姓乃農業流損之奴倍掛畏支
大神乃厚助尔依天此灾波可止之所念行
去五月廿七日尔御馬進尔雨止女賜止禱申賜
比而卜定留日促尔之御馬所尔遣已不堪後日
尔必進尔故是以差使天太幣乎令捧持出須此

狀乎聞食天降雨忽晴天五穀不損秋稼豐登之
天皇朝廷乎常磐尔堅磐尔天下平安尔護常
倍助賜比矜賜倍恐義恐義申賜止申又別辭申
此雨乃不止留由緣乎卜求禮春祭尔供奉留使
等中尔有穢事介因茲大神不志已理賜倍利卜
申世而祭使波御卜合留入乎令供奉利奈所念
行世此事乎聞食天奈懼畏利御坐須大神神那
我良聞食天今毛彌益尔安尔護助賜倍恐義恐
毛義申賜止申○乙巳天霽○丙午遣使者分赴五
幾内賑給病尔者○巳酉權少僧都傳灯大法師

官下脱社
字手

位道雄卒道雄俗姓佐伯氏少而敏悟智慮過人
師事和尚慈勝受唯識論後從和尚長歲學華嚴
及因明並從闇梨空海受真言教永和十四年拜
律師嘉祥三年轉為權少僧都會病卒初道雄有
意造寺未得其地夢見山城國乙訓郡木上山形
勝稱情即尋所夢山奏上宮造公家頗々工匠之
費有一十院名海印寺傳華嚴教置年分度者二
人至今不絕○甲寅詔以近江國散久難度神列
於明神○戊午以薩摩國賀紫久利神預於官○
庚午攝津權介從五位下善友朝臣額主卒額主

少入學讀經頗通義理天長元年二月任山城少
 目承和四年三月為直講八年五月轉為助教類
 主元姓佐夜部首後改為善友朝臣十二年正月
 叙外從五位下十四年二月為博士十五年正月
 叙從五位下嘉祥二年五月年老乞骸骨四年正
 月朝廷恤其儒者更任攝津權介卒時年七十二
 ○秋七月辛未朔公卿大夫近伏下飲別詔內藏
 寮賜五位以上祿有差○戊寅地震外從五位下
 善世宿祿豐永為大炊頭外從五位下清村宿祿
 是嶺為大和權介從五位下藤原朝臣冬緒為遠

江權守春宮亮如故從五位下紀朝臣貞守為近
 江權介外從五位下蕃良朝臣豐持為倫前權介
 ○丁亥補僧綱策命曰 天皇 我 詔旨法師等 尔
 白左開宣勅命乎白大僧都延祥乎僧正尔少僧
 都長訓乎大僧都尔律師真濟乎少僧都尔大法
 師壽朗壽教乎律師尔大法師明詮乎權律師尔
 任賜事乎白左開詔 勅命乎白○壬辰夜有加
 火光者墜於殿前左右驚亂須臾乃定○八月庚
 子朔屈僧一百六人於大極殿讀大般若經為穀
 祈也○辛丑河内國獻嘉禾一莖三穗○壬寅授

山城國攝雷水都久雷湯豆波和氣神從五位下
○巳酉式部省獻吳鳥鶉鳥嘴鷄脚長頸無尾白
黑雜文有詔放之命遂其生○癸丑 詔曰朕聞
佐下民者天也相上帝者君也君道得則天賜純
嘏民心苦則國或挺災朕以寡昧嗣守鴻基憂負
重而春冰顧馭朽以駕只願返淳源於既遠舒景
煦於方今家詠京恒之豐人誇鐘鼓之苞而誠難
感激道謝潛通行神失和坎德為彌去夏人民或
坐為奠今秋序宅乍成涌川朕之不德百姓何事
憂心悠々將何以寄其使左右京及五畿內無出

今年調被災尤甚不能自存者有司量加賑恤俾
安其居務班恩惠稱朕焉省鑄錢司主典史生長
上各一負○甲刀遣左右檢非違使廉實京師被
水害者稟給○癸亥駿河國獻瑞草紫葉朱莖或
謂之芝○乙丑伊勢齊內親王禰於鴨川即日入
北野宮○巳巳大赦於朱雀門前百官盡會為大
嘗祭豫除群穢○九月庚午朔日有蝕之○辛未
進陸奥國駒形神階加正五位下○甲戌散事從
四位下百濟王貴命卒貴命從四位下陸奥鎮守
將軍兼下野守俊哲之女也貴命姿質殊麗閑於

女工 嵯峨太上天皇御宇之時引爲女御即是
二品式部卿大宰帥忠良親王之母也弘仁十年
正月叙從五位上十月十一日叙從四位下○戊
寅以有水灾癘重陽宴但公卿於近伏下與諸侍
臣聊進菊酒賜祿有差○庚辰遣使者向伊勢太
神宮奉細馬八足以充神御室幣具至○乙酉特
擢出雲國熊野杵築兩大神並加從三位書幡位
草壯丁命御譯命阿遲須伎高彦命與都彥命速
懸別命天穗日命神等並授從五位下○丁亥無
品親子內親王薨親王者 仁明天皇之女母藤

原氏 天皇殊憐愛之 天皇崩後哀慕無休遂
以滅性時人悲之○甲午進筑後國高良玉垂神
階加從三位○乙未從五位下弘宗王奏諸子男
八人段其王号賜姓中原真人許之散位從四位
下藤原朝臣岳守卒岳守者從四位下三成之長
子也天性寬和士無賢不肖傾心引接少遊大學
涉獵史傳頗習草隸天長元年侍於東宮應對左
右奉止閑雅太子甚器重之三年拜內舍人七年
喪父孝思過禮幾於毀滅太子踐祚拜右近衛將
監俄遷爲內藏助兼和元年授從五位下三年薨

爲讚岐介遷爲左馬頭讚岐介如故五年爲左少
辨辭以停耳不能聽受出爲大宰少貳因檢校大
唐人貨物適得元白詩筆奏上帝甚耽悅授從五
位上十二年授正五位下十三年授從四位下特
拜右近衛中將兼爲美作守嘉祥元年出爲近江
守人民老少俱皆仰慕卿罷之後無復榮望論者
高之平時年四十四○冬十月己亥朔定大嘗會
御襪裝束使並前後鹵簿次第司○癸卯地震○
乙巳進參河國知立砥鹿兩神階並加從五位上
糟目日長狹授野謁磐播豆赤孫御津石鞍石纏

阿志等十一神並授從五位下○丙午進肥後國
健磐竜命大神階加從二位長門國麻集福賀磨
能峯壬生等四神並授從五位下○戊申因幡國
大志保濃都波奈廣伊蘇佐伎都波只等五神並
授從五位下○己酉遣大藏少輔從五位下藤原
朝臣良房向香椎八幡大菩薩宮奉寶幣○辛亥
地震○乙卯遣使者向平野神宮策命曰 天皇
我詔旨止平野大神等 爾申給倍申久大神等 乎
彌高 爾彌廣 爾崇奉 那止 所念行 須故 是以正三
位今木大神 波從二位 爾正五位上 久度古關等

二前乃神波從四位下尔合殿坐須比詳神波正
五位下乃御冠尔上奉利崇奉流狀乎參議從四
位下左大辨兼行左近衛中將陸奥出羽按察使
藤原朝臣良相乎差使尼申奉出須此狀乎聞食
互神那伎良母天皇御孫命乎堅磐尔常磐尔
護幸奉賜比天下平安尔守於賜止倍申賜止申止○
庚申遣使者向伊勢太神宮告以大嘗祭事○甲
子帝幸鴨川大修禊事為大嘗祭豫除邪穢也
○乙丑進信濃國建御名方富命茂及坂刀賣命
等两大神階加從三位○戊辰晦大祓於朱雀門

前○十一月甲戌日無精光中有黑點大如李子
○乙亥進右大臣藤原朝臣良房階正二位加其
家夫人正四位下源朝臣潔姬從三位○辛巳詔
以尾張國真清田大縣兩神列於官社○巳丑地
震○辛卯帝有事於八省院緣大嘗祭也○壬
辰幸豐樂院賜宴群臣○癸巳頒御豐樂院宴飲
悠紀主基二國奏風俗哥舞献物同如昨儀○甲
午御豐樂殿策命曰天皇我大命良勅大
命乎諸聞給止宣悠紀主基尔仕奉流二國乃國
司等日夜無怠事久務結利勅久仕奉尔依天治

賜不又仕奉人等中其仕奉狀乃隨治賜人毛
在又御意乃愛盛尔治賜人毛一二在故是以冠
位上賜治賜波久止詔天皇大命乎衆聞食止宣
授四品時康親王階三位從三位源朝臣弘藤原
朝臣長良並加正三位從四位下正躬王從四位
上從四位上豐江王正四位下正五位下楠野王
從四位下從五位下高原王從五位上正六位上
粟田王從五位下從四位下藤原朝臣春津長岑
宿祢高名正六位上源朝臣啓並叙從四位上正
五位下藤原朝臣貞守橘朝臣貞直並叙從四位

下從五位上高階真人清上藤原朝臣大津久賀
朝臣三夏並叙正五位下從五位下嶋田朝臣清
田文室朝臣名繼小野朝臣千株出雲朝臣岑嗣
源朝臣興中臣朝臣逸志藤原朝臣恒雄並叙從
五位上外從五位下縣連氏益无位源朝臣至正
六位上藤原朝臣良世安倍朝臣貞行和氣朝臣
臣範紀朝臣有常和氣朝臣貞伴宿祢春世文
室真人真文藤原朝臣藤河橋朝臣宅主井南倫
真人春成丹墀真人今繼崇麻真人真道藤原朝
臣真冬紀朝臣東入中臣朝臣禊守上毛野朝臣

尚行林朝臣宮吉縣大粮宿祿小成柿本朝臣枝
成並叙從五位下正六位上山田連春城朝宗宿
祿吉繼春道宿祿冰藏安原宿祿岳永野宿祿加
祐麻呂並叙外從五位下奏大哥五節舞人加舊
儀○乙未策命曰 天皇我大命此良万勅大命乎
衆聞給止宣神祇官人等乎始天大常會尔參出
來天仕奉流悠紀主基二國乃國司郡司百姓及
司司人毛止番上已上尔御物賜布又悠紀主基兩
國乃主典利防以下國醫師尔至及諸郡司主長
已上乃把笏者尔位一階上賜治賜布又悠紀國

乃今年庸物主基國乃今年田租免賜布兩國乃
卜相郡司波尔特御物賜波久宣是日從四位下清
子女王叙從四位上无位定子女主正五位下伴
宿祿友子无位橘朝臣忠子並叙從四位下從五
位下綾公姑繼從五位上无位藤原朝臣香子藤
原朝臣貳子正六位上安倍朝臣厚子並叙從五
位下○丁酉晦大掖於朱雀門前爲之解齋○十
二月壬午詔以談路國大和國魂神列於官社
○乙巳遣使者向伊勢太神宮奉幣○丙午无品
繁子内親王薨親王者 嵯峨太上天皇之女母

太皇太后也容姿美艷進止有度久嬰熱病醫療
難救出家爲尼馳情彼岸遂以傾逝太后哀戀○
壬子遣使者賑給伯耆國飢民賜出雲國飯石仁
多兩郡百姓復一年○壬戌太政官奏刑部省斷
罪文曰例十一月奏之去月有大常祭事故延至
今月參議左大辨兼春宮大夫左近衛中將陸奧
出羽按察使正四位下藤原朝臣良相加從三位
即日拜權中納言大藏卿從三位平朝臣高棟右
大辨兼左近衛中將從四位下藤原朝臣氏宗等
並拜參議賜遠江國城飼郡百姓復一年○丙寅

正六位上大枝朝臣乙枝无位嶋田朝臣吉子並
授從五位下冬温何以書之記異也

右第三之卷

天保八丁酉年夏四月十四日書寫之

中村萬喜直衛

